

Teruja dapat bermain permainan tradisional

MELAKA – Permainan tradisional seperti tarik upih, terompah gergasi dan kaki hantu lumrah di kalangan penduduk di negara ini.

Ramai antara kita sudah kerap kali bermain permainan itu, terutama ketika acara sukaneka.

Bagi sekumpulan 22 peserta pertandingan Pidato Antarabangsa Bahasa Melayu (PABM) Piala Perdana Menteri yang mengikuti Program Homestay di Agrotourism Inap Desa, Parit Penghulu, Sungai Rambai di sini, ia merupakan pengalaman baru dan unik bagi mereka.

Selain berpeluang bermain permainan tradisional, para peserta juga dibawa melawat tempat-tempat bersejarah di Melaka termasuk A'Famosa, Bukit St. Paul dan lain-lain tempat menarik.

Seorang peserta, Gubar Gurbanova, 19, berkata, negara asalnya, Azerbaijan juga mempunyai permainan tradisional antaranya *benovsy*.

“Tidak ada satu pun permainan tradisional di negara saya serupa dengan di sini.

“Permainan tradisional di sini lebih menyenangkan,” katanya ketika ditemui di sini semalam.

Bagi Mohammad Ziaolhaa, 22, dari Afghanistan, permainan tradisional di negaranya lebih berbentuk fizikal.

Katanya, salah satu permainan tradisional di Afghanistan ialah *boz keshi*. Ia lebih mirip permainan ragbi dan memerlukan kekuatan fizikal.

“Di sini, permainan tradisionalnya sesuai dimainkan semua peringkat umur, lelaki atau pun perempuan.



PESERTA pidato mencuba permainan terompah gergasi ketika mengikuti Program Homestay di Agrotourism Inap Desa, Sungai Rambai, Melaka semalam.